

JazzCuira

contact: Rolf Cafilisch

tel: 078 681 92 37

www.jazzchur.ch

info@jazzchur.ch

Cuira, ils 15 da schaner 2020

Communicaziun a las medias

JazzCuira è qua!

Cun paucas e trumbettas da lunsch e da manaivel

JazzCuira lantscha gievgia, ils 30 da schaner 2020, l'emprima stagiun cun il nov num ed inaugurescha ensemen cun la Postremise la tribuna creada aposta en il foyer: sin la carta da menu stat musica da la suprastanza da JazzCuira ed in referat da Daniel Knecht, manader dal PreCollege a la Scola auta turitgaisa dals arts, che porta il titel «PreCollege – ina schanza per il Grischun?».

Per ses emprim program da la stagiun raduna JazzCuira artistas ed artists giuvens, frestgs ed arrivads da lunsch e da manaivel en la chapitala grischuna. Il public spetga suentar l'ouvertura en la Postremise ina paletta grondiusa da bands naziunalas ed internaziunalas. Sco curatur dal Jazz Club Chur ha Luca Sisera pudì engaschar il duo tudestg-franzos Nils Wogram & Bojan Z., la band austriaca Shake Stew cun in start da success nar, il ghitarist miraculus Ronny Graupe da la Germania u la pianista svizra Sylvie Courvoisier che viva a New York. La retscha Soundhund da sia vart preschenta sut la direcziun da Marc Lardon num extraordanis da la musica improvisada: il saxofonist Hans Koch, l'elecronist Gaudenz Badrutt u il quartet svizzer legendar OM.

E natiralmain chatta er il jazz local e regiunal la via sin las tribunas indigenas ed accentuescha la programmaziun conscianta da musicistas e musicists grischuns. Per lur studi èn els partids en il grond e vast mund – JazzCuira als envida da returnar a chasa. Uschia stat, sper il duo Corin Curschellas & Patricia Draeger ed il Looty Trio da la batterista indigena Valeria Zangger era Sisera sez cun ses quintet Roofer sin la tribuna. Weekly Jazz at the Marsoel Bar represchenta la vita da jazz naziunala ed internaziunala da la Svizra cun integrar a medem temp artistas ed artists grischuns, e promova il barat tranter las musicistas ed ils artists sco era cun il public. Ultra da quai sonoriseschan studentas e students da musica grischuns e la saxofonista arrivada Nicole Johänntgen la festa per il Di internaziunal dal jazz, la quala ha lieu ils 30 d'avrigl en la sala dal Marsoel. La medema saira surdat JazzCuira era per l'emprima giada la distincziun nova «Jazz-Accord». Sco ulteriura premiera metta l'uniun JazzCuira si il chapè da la producenta ed è responsabla ensemen cun RTR per las registraziuns en directa dal trio da clavazin Rosset Meyer Geiger che han lieu dals 14 fin ils 16 d'avrigl 2020 en la bar dal Marsoel.

L'uniun fusiunada da Jazz Club Chur, Soundhund, Weekly Jazz, Palaver ed Akademie s'occupa en il futur da l'entir spectrum dal jazz e da la musica improvisada. Cun preschentar passa 120 musicistas e musicists durant var 50 occurrenzas ad onn porscha JazzCuira ina participaziun culturala d'emprim maun che tanscha sur las linguas, furnaziuns e generaziuns ora. Per incumbensa da l'uniun JazzCuira coordinescha in secretariat creà aposta la lavur da las manadras e dals manaders artistics per ils singuls formats. JazzCuira na sa distingua betg mo stilisticamain, mabain er organisatoricamain tras ina vasta purschida. Sper il Marsoel, in'instituziun che ha contribui fermamain ils ultims 10 onns a sviluppar, consolidar e render enconuscenta sin plaun naziunal la scena da jazz locala e da la Svizra da l'Ost, e

nua che han gi lieu gia passa 500 concerts da jazz, tschertga l'uniun conscientamain la collavuraziun cun ulteriurs lieus da musica adattads sco per exempel la Postremise a Cuira.

Ma era davos la tribuna sa stenta JazzCuira cun l'Akademie da porscher ina vasta paletta d'offertas da furmaziun per musicistas e musicists giuvens sco era per amaturas ed amaturus dal jazz interessads. Cun pled e fatg s'engascha l'uniun JazzCuira per in cumportament progressiv en dumondas da l'egualitad, da la diversitad linguistica e da la participaziun culturala per tut ils umans. La cultura n'è betg in intent per sasez, mabain promova il dialog e l'avertadad per il nunenconuschent. Per quai stat il jazz – e per quai stat JazzCuira.

Chascha d'infurmaziun

Gievgia, ils 30 da schaner 2020, a las 19.00

ONE, TWO, ONE TWO THREE FOUR – in arranschament da JazzCuira e da la Postremise

Postremise, Engadinstrasse 43, 7000 Cuira

Mardi, ils 4 da favrer 2020, a las 20.15

Luca Sisera Roofer (CH) / Nils Wogram & Bojan Z. (D/F)

Postremise, Engadinstrasse 43, 7000 Cuira

Gievgia, ils 6 da favrer 2020, a las 20.30

Mischgewebe / The Music of Brad Mehldau

Marsoel die Bar, Süsswinkelgasse 25, 7000 Cuira

Detagls ed ulteriuras infurmaziuns davart ils puncts da program enfin la stad 2020 sin www.jazzchur.ch